

**274/2024 Ebazpena, apirilaren 22koa, Osakidetza-Euskal osasun zerbitzuko Giza Baliabideen zuzendaria, zeinaren bidez Osakidetza-Euskal osasun zerbitzuko zerbitzu-erakundeetako profesionalen lanbide-garapeneko maila aitortzeko eskaerak ebazten diren eta behin-behineko esleipena argitaratzeko agintzen den, Osakidetza-Euskal osasun zerbitzuko zuzendari nagusiaren ekainaren 19ko 1184/2023 Ebazpenaren bidez argitaratutako lanbide-garapeneko ohiko deialdiari dagokionez.**

Azaroaren 22ko 395/2005, otsailaren 27ko 35/2007 eta abenduaren 26ko 248/2007 Dekretuen bidez arautzen da, hurrenez hurren, Osakidetzan lan egiten duten lizentziadun sanitarioen, diplomadun sanitarioen eta langile ez-sanitarioen eta lanbide-heziketako profesional sanitarioen lanbide-garapena. Dekretu horien 11. artikulua ezartzen duenez, Osakidetzako Giza Baliabideen zuzendariari dagokio Osakidetza-Euskal osasun zerbitzuko zerbitzu-erakundeetako profesionalen lanbide-garapeneko mailaren behin-behineko esleipena argitara dadila agintzea.

Osakidetza-Euskal osasun zerbitzuko zuzendari nagusiaren ekainaren 19ko 1184/2023 Ebazpenaren bidez arautzen dira Osakidetzaren mendeko zerbitzu-erakundeetako profesionalentzako 2022ko ekitaldiko lanbide-garapenaren maila esleitzeko ohiko deialdiaren baldintzak, eskabideak eta ebaluazio- eta esleipen-prozedurak.

Azaroaren 22ko 395/2005, otsailaren 27ko 35/2007 eta abenduaren 26ko 248/2007 Dekretuen 8. artikuluan ezarritakoaren arabera (dekretu horien bidez arautzen da, hurrenez hurren, Osakidetzan lan egiten duten lizentziadun sanitarioen, diplomadun sanitarioen eta lanbide-heziketako profesional sanitario eta ez-sanitarioen lanbide-garapena), lanbide-garapeneko batzorde korporatiboek jada aztertu dituztenean prozesuan onartutako eskatzaileen emaitzak –goi-maila lortzeko eskatutako lan egindako urteak dituztelako eta bloke guztietako gutxieneko puntuazioa lortu dutelako aztertu direnak– eta dagokion txostena egin dutenean, Giza Baliabideen Zuzendaritzari dagokio emaitzak Osakidetzaren webgunean argitaratzeko agindua ematea.

Osakidetza-Euskal osasun zerbitzuko zuzendari nagusiaren ekainaren 19ko 1184/2023 Ebazpenaren 10. artikuluan bidez arautzen da mailak esleitzeko prozedura, eta mailak esleitzeko behin-behineko ebazpenari buruzko a) apartatuan ezartzen da Ebaluazio Batzordeak egiaztatutako mailen behin-behineko zerrenda onartu eta Osakidetzako Zuzendaritza Nagusira bidaliko duela. Batzorde Korporatiboak txostena eman ondoren, egiaztatutako mailen behin-behineko zerrenda Osakidetzaren webgunean argitaratzeko aginduko du Osakidetzako Giza Baliabideen Zuzendaritzak ebazpen bidez.

Azaldutako guztiagatik eta emandako ahalmenak erabiliz, hau

EBAZTEN DUT:

**Lehenengoa.**– Osakidetza-Euskal osasun zerbitzuko zerbitzu-erakundeetako profesionalen lanbide-garapeneko mailaren behin-behineko esleipena Osakidetzaren webgunean argitara dadila agintzea, Osakidetza-Euskal osasun zerbitzuko zuzendari nagusiaren ekainaren 19ko 1184/2023 Ebazpenaren bidez argitaratutako lanbide-garapeneko ohiko deialdiari dagokionez.



Ebazpen honekin batera doan eranskinean, lanbide-talde hauetan aitortutako mailen behin-behineko esleipena zerrendatzen da:

A1 taldea – Lizentziadun Sanitarioa

B1 taldea – Diplomadun Sanitarioa

A2 taldea – Goi Mailako Tituluduna

B2 taldea – Erdi Mailako Tituluduna.

C1 taldea – Teknikari Espezialista Sanitarioa.

C2 taldea – Administrazioiko Teknikari Espezialista.

C3 taldea – Teknikari Espezialista Profesionala.

D1 taldea – Teknikari Laguntzaile Sanitarioa.

D2 taldea – Administrazioiko Teknikari Laguntzailea.

D3 taldea – Teknikari Laguntzaile Profesionala.

E1 taldea – Mendekoa/Langilea.

Interesdunek puntuazio indibidualak kontsultatu ahalko dituzte Osakidetza-Euskal osasun zerbitzuko lanbide-garapeneko aplikazio informatikoan, helbide honetan: <https://lanbidegarapena.osakidetza.eus>.

**Bigarrena.**– Osakidetza-Euskal osasun zerbitzuko zuzendari nagusiaren ekainaren 19ko 1184/2023 Ebazpenaren 10.a) artikulua hiru paragrafoa kontuan hartuta, lanbide-garapeneko mailak esleitzeko Giza Baliabideen zuzendariaren behin-behineko ebazpen horren aurka, erreklamazioak aurkeztu ahal izango dira. Horretarako, 10 egun balioduneko epea egongo da, ebazpena Osakidetza-Euskal osasun zerbitzuaren webgunean argitaratu eta hurrengo egunetik aurrera.

Erreklamazioak Osakidetza-Euskal osasun zerbitzuaren lanbide-garapeneko aplikazio informatikoan egingo dira, helbide honetan: <https://lanbidegarapena.osakidetza.eus>.

Epearen barruan eta behar bezala aurkeztutako erreklamazioak lanbide-garapeneko mailak esleitzeko behin betiko ebazpenaren bidez onartuko edo baztertuko dira.

Vitoria-Gasteiz, 2024ko apirilaren 22a.



**Osakidetza**  
Luisa Larrauri Ereñozaga  
GIZA BALIABIDEEN ZUZENDARIA  
DIRECTORA DE RECURSOS HUMANOS

Sin.: LUISA LARRAURI EREÑOZAGA

**OSAKIDETZA-EUSKAL OSASUN ZERBITZUKO GIZA BALIABIDEEN ZUZENDARIA**